



মরক্কোকে ২-০ গোলে হারিয়ে সেমিফাইনালে ফ্রান্স



ছবি: সংগৃহীত

বিশ্বকাপের প্রথম দল হিসেবে সেমিফাইনালে জায়গা করে নিয়েছে ফ্রান্স। কোয়ার্টার ফাইনালে মরক্কোকে ২-০ গোলে হারিয়ে শেষ চার নিশ্চিত করেছে দুইবারের বিশ্বচ্যাম্পিয়নরা। ফরাসিদের হয়ে গোল করেন কিলিয়ান এমবাঙ্গে ও উসমান দেম্বেলে।

বৃহস্পতিবার (৯ জুলাই) বাংলাদেশ সময় দিবাগত রাত ২টায় বোষ্টন স্টেডিয়ামে অনুষ্ঠিত ম্যাচের শুরু থেকেই আক্রমণাত্মক ফুটবল খেলতে থাকে ফ্রান্স। প্রথম কয়েক মিনিটেই একাধিক সুযোগ তৈরি করলেও মরক্কোর গোলরক্ষক ইয়াসিন বুনুর দৃঢ়তায় গোলের দেখা পায়নি তারা।

ম্যাচের ২৬তম মিনিটে মরক্কোর ডি-বক্সে প্রবেশের সময় এমবাঙ্গেকে ফাউল করলে পেনাল্টি পায় ফ্রান্স। তবে স্পট কিং থেকে গোল করতে ব্যর্থ হন এই ফরাসি তারকা। তার নেওয়া শট ঠেকিয়ে দিয়ে দলকে বিপদমুক্ত রাখেন বুনু।

প্রথমার্ধে মরক্কোও পাল্টা আক্রমণের চেষ্টা চালালেও গোলের দেখা পায়নি কোনো দল। ফলে গোলশূন্য সমতায় বিরতিতে যায় দুই দল।

বিরতির পর আরও আক্রমণাত্মক হয়ে ওঠে ফ্রান্স। ম্যাচের ৬০তম মিনিটে ডি-বক্সের বাইরে থেকে দুদান্ত শটে জালের দেখা পান এমবাঙ্গে। চলতি বিশ্বকাপে এটি তার আরেকটি গুরুত্বপূর্ণ গোল।

গোলের ছয় মিনিট পর ব্যবধান দ্বিগুণ করেন উসমান দেম্বেলে। এমবাঙ্গের তৈরি করা সুযোগ কাজে লাগিয়ে নিখুঁত ফিনিশিংয়ে মরক্কোর জালে বল পাঠান তিনি।

বাকি সময় ব্যবধান কমানোর চেষ্টা করলেও ফরাসি রক্ষণভাগ ভাঙতে পারেনি মরক্কো। শেষ পর্যন্ত ২-০ গোলের জয় নিয়েই সেমিফাইনালের টিকিট নিশ্চিত করে ফ্রান্স।

আগামী মঙ্গলবার (১৪ জুলাই) স্পেন ও বেলজিয়ামের মধ্যকার কোয়ার্টার ফাইনালের বিজয়ী দলের মুখোমুখি হবে ফরাসিরা। বাংলাদেশ সময় দিবাগত রাত ১টায় শুরু হবে ম্যাচটি।